

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 23 NOVEMBER 2023, PUKUL 10.00 PAGI

Bil. 14

WAKTU PERTANYAAN-PERTANYAAN MENTERI

1. PR-1523-MQT2528
Dr. Kelvin Yii Lee Wuen [Bandar Kuching] minta **MENTERI KESIHATAN** menyatakan berapa jumlah yang dibelanjakan untuk menangani penyakit tidak berjangkit (Non-Communicable Disease (NCD) terutamanya diabetes dan perancangan untuk menangani prevalens NCDs yang tinggi di negara kita.
2. PR-1523-MQT2501
Tuan Roslan bin Hashim [Kulim Bandar Baharu] minta **MENTERI PEMBANGUNAN USAHAWAN DAN KOPERASI** menyatakan berapakah jumlah usahawan yang gulung tikar ekoran kelembapan ekonomi semasa dan apakah usaha Kementerian untuk membantu usahawan terjejas.
3. PR-1523-MQT2509
Tuan Haji Aminolhuda bin Hassan [Sri Gading] minta **MENTERI EKONOMI** menyatakan berapa banyak wang yang telah dibelanjakan untuk Insentif Kemudahan Rakyat pada tahun 2023 dan pecahan perbelanjaan peringkat negeri.

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 23 NOVEMBER 2023, PUKUL 10.00 PAGI

Bil. 76

WAKTU PERTANYAAN-PERTANYAAN MENTERI

PERTANYAAN-PERTANYAAN BAGI JAWAB LISAN

1. PR-1523-L21620
Puan Rodiyah binti Sapiee [Batang Sadong] minta **MENTERI PEMBANGUNAN USAHAWAN DAN KOPERASI** menyatakan sejauh mana kajian yang telah dijalankan untuk menilai keberkesanan subsidi dalam mengurangkan kos pengangkutan barangan dari Semenanjung Malaysia ke Sabah dan Sarawak, kerana ia berpotensi memberikan impak positif terhadap ekonomi kedua-dua negeri dengan merendahkan beban pengangkutan dan menyediakan akses lebih murah kepada barangan untuk penduduk tempatan.
2. PR-1523-L22410
Dato' Indera Dr. Suhaili bin Abdul Rahman [Labuan] minta **MENTERI KEWANGAN** menyatakan pencapaian terkini Labuan International Business And Financial Centre (Labuan IFBC) dari segi sumbangan ekonomi dan pembangunan kepada Labuan sejak ia ditubuhkan.
3. PR-1523-L21486
Tuan Sim Tze Tzin [Bayan Baru] minta **MENTERI PENGANGKUTAN** menyatakan apakah rancangan proaktif MAHB untuk melibatkan Industri teknologi tinggi dan Syarikat-syarikat Perusahaan Kecil dan Sederhana yang bertapak di Bayan Lepas di negeri Pulau Pinang untuk projek naik taraf Lapangan Terbang Antarabangsa Pulau Pinang. Adakah syarat-syarat membantu industri tempatan akan dimasukkan ke dalam dokumen tender.

4. PR-1523-L22525
Datuk Haji Ahmad Marzuk bin Shaary [Pengkalan Chepa] minta **MENTERI PENDIDIKAN** menyatakan komitmen Kerajaan untuk mengurangkan beban guru bagi meningkatkan kualiti pendidikan dalam bilik darjah.
5. PR-1523-L21815
Dato' Verdon bin Bahanda [Kudat] minta **MENTERI DALAM NEGERI** menyatakan rancangan Kerajaan untuk mewujudkan sebuah Ibu Pejabat Polis di daerah Pitas, Parlimen Kudat memandangkan daerah Pitas adalah sebuah daerah penuh namun Ibu Pejabat Polis masih merujuk kepada Ibu Pejabat Kota Marudu.
6. PR-1523-L22068
Dato' Hajah Mumtaz binti Md Nawi [Tumpat] minta **MENTERI PEMBANGUNAN WANITA, KELUARGA DAN MASYARAKAT** menyatakan pelan tindakan Kementerian dan berapa bilangan jabatan dan agensi khusus telah dan akan dilibatkan secara aktif dalam menjaga pembangunan, perlindungan dan kebajikan seramai 9.19 juta orang kanak-kanak iaitu 28.1% daripada penduduk Malaysia, memandangkan ia adalah golongan terpenting dalam membentuk generasi akan datang.
7. PR-1523-L21148
Tuan Lo Su Fui [Tawau] minta **MENTERI PENDIDIKAN** menyatakan status baik pulih SK Balung, SK Inderasabah, SK Perdana, SMK Jalan Apas, Sk Holy Trinity yang berstatus daif dan berskala 6 kategori tidak selamat yang disahkan Pejabat Pendidikan Daerah (PPD) Tawau dan Jabatan Pendidikan Negeri (JPN) Sabah dan jaminan tiga sekolah berkenaan disenarai pendekkan dalam Belanjawan 2023 dan RMK-12.
8. PR-1523-L22343
Tuan Abdul Latiff bin Abdul Rahman [Kuala Krai] minta **MENTERI KESIHATAN** menyatakan apakah usaha Kementerian dalam meningkatkan fasiliti dan kemudahan di klinik-klinik kesihatan seperti kekurangan doktor pakar, ambulans dan sebagainya bagi mengelakkan kesesakan yang sangat teruk di hospital utama.
9. PR-1523-L21649
Datuk Seri Haji Jalaluddin bin Haji Alias [Jelebu] minta **MENTERI PERLADANGAN DAN KOMODITI** menyatakan adakah terdapat sebarang perancangan untuk menaikkan harga lantai getah sekerap yang berkadar RM2.70 pada ketika ini sebagai salah satu langkah membantu golongan penoreh getah.

10. PR-1523-L22427
Tuan Haji Mohd Hasnizan bin Harun [Hulu Selangor] minta **MENTERI PENGANGKUTAN** menyatakan perancangan Kementerian untuk mengurangkan kos bayaran bagi pengambilan lesen terutama lesen motor dan kereta disebabkan ramainya anak-anak remaja tidak mempunyai lesen atas sebab tiada kemampuan.
11. PR-1523-L21059
Tuan Onn bin Abu Bakar [Batu Pahat] minta **MENTERI KEWANGAN** menyatakan pada tahun 2023 belanja pembangunan Kerajaan adalah RM99 bilion berbanding 2022 sebanyak RM73.6bilion dan pinjaman pula hanya RM1.39 bilion berbanding tahun 2022 sebanyak RM1.98 bilion. Adakah pengurangan pinjaman menjejaskan usaha pembangunan untuk rakyat dan negara.
12. PR-1523-L22310
Tuan Muhammad Fawwaz bin Mohamad Jan [Permatang Pauh] minta **MENTERI PENGANGKUTAN** menyatakan perancangan Kerajaan dalam menaik taraf dan menambah baik Program Dana Bantuan dan Transformasi Perkhidmatan Bas Henti-Henti (SBST) yang menghubungkan antara kawasan bandar-bandar utama dengan kawasan luar bandar.
13. PR-1523-L21198
Datuk Wetrom bin Bahanda [Kota Marudu] minta **MENTERI PERLADANGAN DAN KOMODITI** menyatakan apakah pihak Kementerian mempunyai perancangan meningkatkan pengeluaran komoditi sawit dan adakah terdapat perancangan membantu pekebun-pekebun kecil komoditi ini dalam mendapatkan harga kompetitif dan mengelakkan harga tidak stabil.
14. PR-1523-L22000
Tuan Muhammad Ismi bin Mat Taib [Parit] minta **MENTERI KESIHATAN** menyatakan sejauh manakah penyakit *Human Immunodeficiency Virus* (HIV) masih menular dalam masyarakat kita sejak sekian lama dan langkah-langkah terbaharu yang sedang dirancang bagi mengekang penyakit berbahaya ini.
15. PR-1523-L21595
Tuan Roy Angau anak Gingkoi [Lubok Antu] minta **MENTERI DALAM NEGERI** menyatakan perkembangan terkini usaha Kementerian bersama dengan Kerajaan negeri dalam menyelesaikan isu rakyat tanpa dokumen pengenalan diri dan sijil perkahwinan yang sah terutama di kawasan luar bandar dan pedalaman Sarawak.

16. PR-1523-L22148

Dato' Dr. Ahmad Yunus bin Hairi [Kuala Langat] minta **MENTERI PENGANGKUTAN** menyatakan :

- (a) status penggunaan perkhidmatan kenderaan awam berbanding kenderaan persendirian dan apakah pencapaian Malaysia sehingga kini; dan
- (b) apakah ada perancangan untuk penyambungan LRT3 yang berakhir di Johan Setia ke destinasi seterusnya.

17. PR-1523-L21812

Tuan Cha Kee Chin [Rasah] minta **MENTERI PEMBANGUNAN USAHAWAN DAN KOPERASI** menyatakan sejauh manakah geran-geran yang ditawarkan oleh Kementerian ini telah dimohon dan disalurkan kepada pemohon yang layak, kerana masih ramai peniaga Perusahaan Mikro, Kecil dan Sederhana (PMKS) yang tidak menerima bantuan geran-geran Kerajaan. Apakah pendekatan Kementerian untuk membolehkan semua geran yang ditawarkan dapat disalurkan dengan efektif kepada golongan yang layak.

18. PR-1523-L22330

Tuan Jamaludin bin Yahya [Pasir Salak] minta **MENTERI DALAM NEGERI** menyatakan sejauh manakah usaha-usaha proaktif yang telah dilaksanakan oleh agensi penguatkuasa seperti APMM dalam menangani ancaman pencerobohan nelayan asing dan jenayah rentas sempadan selain daripada membuat rondaan kapal dan bot secara berkala.

19. PR-1523-L21563

Puan Teresa Kok Suh Sim [Seputeh] minta **MENTERI KESIHATAN** menyatakan apakah Kementerian mempunyai rancangan untuk menaik taraf Hospital Kuala Kubu Bharu untuk dijadikan hospital pakar Kerajaan. Apakah rancangan Kementerian untuk meningkatkan perkhidmatan perubatan di seluruh kawasan Parlimen Hulu Selangor.

20. PR-1523-L22094

Tuan Roslan bin Hashim [Kulim Bandar Baharu] minta **MENTERI PERLADANGAN DAN KOMODITI** menyatakan bolehkah Kerajaan membantu pekebun kecil untuk bantuan tanaman sawit melalui MPOB seperti bantuan tanaman semula getah oleh RISDA. Ini adalah kerana pihak RISDA juga sebelum ini pernah mengembangkan produk bantuan tanaman sebelum ini sebagai bantuan penuh seperti komuniti getah namun ianya ditamatkan pada tahun 2018.

21. PR-1523-L21633
Tuan Syed Ibrahim bin Syed Noh [Ledang] minta **MENTERI DALAM NEGERI** menyatakan statistik terkini dan langkah yang diambil terkait isu kenyataan pemimpin parti politik dan kumpulan masyarakat yang berbau fitnah dan mencetus perpecahan.
22. PR-1523-L21785
Tuan Riduan bin Rubin [Tenom] minta **MENTERI KESIHATAN** menyatakan apakah tindakan yang telah diambil oleh pihak kementerian bagi memastikan hak kesamarataan perjawatan petugas kesihatan di Sabah terbela memandangkan terdapat perbezaan perjawatan yang ketara di antara petugas kesihatan di Sabah dan Semenanjung walaupun beban dan tanggungjawab yang dipikul adalah sama.
23. PR-1523-L21054
Tuan Onn bin Abu Bakar [Batu Pahat] minta **MENTERI PENDIDIKAN** menyatakan adakah Kementerian ini bercadang untuk menerapkan pengajaran cintakan negara dalam kurikulum pembelajaran di semua sekolah-sekolah tadika.
24. PR-1523-L21239
Dr. Kelvin Yii Lee Wuen [Bandar Kuching] minta **MENTERI PEMBANGUNAN WANITA, KELUARGA DAN MASYARAKAT** menyatakan bilakah Kementerian akan membentangkan Rang Undang-Undang Profesion Kerja Sosial yang telah diluluskan oleh Kabinet pada April 2010.
25. PR-1523-L21423
Tuan Lim Guan Eng [Bagan] minta **MENTERI KEWANGAN** menyatakan tahap paling rendah nilai mata wang Ringgit berbanding dengan dolar Amerika Syarikat dalam sejarah dan juga yang paling rendah sejak 2018 serta apakah tindakan yang akan diambil untuk mengukuhkan nilai mata wang ringgit ke tahap yang stabil dan mengurangkan kesan negatif kelemahan nilai matawang ringgit.
26. PR-1523-L22518
Dato' Seri Dr. Wan Azizah Wan Ismail [Bandar Tun Razak] minta **MENTERI KESIHATAN** menyatakan apakah tahap justifikasi dan implikasi terhadap kesihatan mental di kalangan masyarakat berkaitan isu cubaan bunuh diri yang telah dinyahmansuhkan Kementerian pada Jun tahun 2023 dan 10 September merupakan - World Suicide Prevention Day 2023.

27. PR-1523-L22006

Tuan Muhammad Ismi bin Mat Taib [Parit] minta **MENTERI KESIHATAN** menyatakan perancangan pihak Kementerian nanti bagi Hospital Changkat Melintang selepas Hospital Seri Iskandar bakal digunakan kelak.

28. PR-1523-L22520

Dato' Seri Dr. Wan Azizah Wan Ismail [Bandar Tun Razak] minta **MENTERI PENDIDIKAN** menyatakan sejauh mana keberkesanan Sesi Kaunseling Gangguan Seksual bagi kanak-kanak bawah 18 tahun yang menjadi mangsa rogol, cabul dan liwat. Adakah Program Pencegahan Gangguan Seksual di sekolah dapat memberi penerangan jelas bahawa ianya adalah satu jenayah.

29. PR-1523-L22110

Tuan Ahmad Fadhli bin Shaari [Pasir Mas] minta **MENTERI PENGANGKUTAN** menyatakan pelan strategik jangka masa panjang oleh Kementerian bagi memastikan pengangkutan awam seperti bas dapat memberi perkhidmatan kepada rakyat secara komprehensif terutamanya di kawasan luar bandar di seluruh negara.

30. PR-1523-L22470

Tuan Lee Chuan How [Ipoh Timor] minta **MENTERI DALAM NEGERI** menyatakan strategi-strategi yang diambil bagi membendung ekstremisme politik yang menggugat keharmonian di Malaysia.

31. PR-1523-L22605

Datuk Muslimin bin Yahaya [Sungai Besar] minta **MENTERI PENDIDIKAN** menyatakan berapa banyakkah jumlah bilangan sekolah yang menawarkan Program Pendidikan Vokasional Menengah Atas (PVMA) dan Perantis Industri Menengah Atas (PIMA) di sekolah-sekolah menengah seluruh negara.

32. PR-1523-L(5)00188

Tuan Syed Saddiq bin Syed Abdul Rahman [Muar] minta **MENTERI PENDIDIKAN** menyatakan apakah rasional kenaikan kos yang ketara bagi pembinaan sekolah iaitu daripada RM38 juta kepada RM96 juta bagi sebuah sekolah.

[Pertanyaan di bawah PM 22(5)]

33. PR-1523-L22024

Tuan Zulkifli bin Ismail [Jasin] minta **MENTERI DALAM NEGERI** menyatakan :

- (a) nisbah anggota polis yang diamalkan PDRM kepada jumlah penduduk; dan

(b) jumlah anggota yang ditempatkan bagi setiap balai polis.

34. PR-1523-L21341

Tuan Haji Yusuf bin Abd. Wahab [Tanjong Manis] minta **MENTERI PENDIDIKAN** menyatakan adakah Kementerian menggunakan Industrialized Building System (IBS) dalam pembinaan bangunan sekolah baharu di Sarawak. Apakah masalah pelaksanaan penggunaan sistem IBS untuk membina bangunan sekolah baharu.

35. PR-1523-L22284

Dato' Sri Tuan Ibrahim bin Tuan Man [Kubang Kerian] minta **MENTERI PENDIDIKAN** menyatakan adakah Kementerian bercadang untuk memperkenalkan semula subjek khusus berkenaan pendidikan alam sekitar yang pernah dicadangkan pada tahun 2017.

36. PR-1523-L22264

Dr. Siti Mastura binti Muhammad [Kepala Batas] minta **MENTERI KESIHATAN** menyatakan apakah insentif yang disediakan untuk pembantu pegawai perubatan (PPP) yang bertugas dari klinik kesihatan dan fasiliti swasta yang bekerja lebih masa di hospital Kerajaan.

37. PR-1523-L22319

Dato' Dr. Alias bin Razak [Kuala Nerus] minta **MENTERI PENDIDIKAN** menyatakan sama ada Kementerian bakal meneruskan agenda pembinaan sekolah miskin tegar yang dijangka bermula pada awal tahun hadapan.

38. PR-1523-L21252

Dato Anyi Ngau [Baram] minta **MENTERI PENDIDIKAN** menyatakan penggunaan peruntukan kewangan tahunan untuk pembiayaan aktiviti kesukanan di peringkat sekolah rendah dan menengah serta kaedah-kaedah pengagihan peruntukan berkenaan kepada sekolah-sekolah di kawasan pedalaman.

39. PR-1523-L21903

Tuan Kalam bin Salan [Sabak Bernam] minta **MENTERI KEWANGAN** menyatakan sejauh manakah kajian kebolehlaksanaan telah dijalankan berhubung cukai barang dan perkhidmatan (GST) mengambil kira situasi ekonomi semasa dalam pembaharuan fiskal negara serta implikasinya terhadap rakyat.

40. PR-1523-L21536

Dato' Seri Haji Aminuddin bin Harun [Port Dickson] minta **MENTERI PENGANGKUTAN** menyatakan apakah ada perancangan daripada Kementerian untuk mengubah semula jajaran laluan ECRL dengan melalui Jelevu, Kuala Klawang, Bangi dan Putrajaya.

41. PR-1523-L22043

Dr. Hajah Halimah Ali [Kapar] minta **MENTERI PEMBANGUNAN WANITA, KELUARGA DAN MASYARAKAT** menyatakan :

- (a) berapakah jumlah taska dan fasiliti penjagaan bayi dan kanak-kanak di seluruh negara; dan
- (b) nisbah keperluan pusat penjagaan bayi dan kanak-kanak yang diperlukan bagi memungkinkan ibu muda masuk semula bekerja.

42. PR-1523-L21104

Tuan Hassan bin Abdul Karim [Pasir Gudang] minta **MENTERI KEWANGAN** menyatakan adakah Kerajaan sedang mengkaji tuntutan rakyat yang mengalami kesusahan hidup sekarang yang memohon supaya Kerajaan membenarkan pengeluaran wang KWSP mereka secara bersasar. Apakah pendirian Kerajaan tentang tuntutan pengeluaran KWSP secara bersasar itu.

43. PR-1523-L21975

Tuan Haji Wan Hassan bin Mohd Ramli [Dungun] minta **MENTERI KESIHATAN** menyatakan kajian dan perancangan Kementerian untuk menggunakan sistem pendaftaran digital selaras kepada hospital daerah dan klinik kesihatan daerah seluruh negara terutamanya di daerah Dungun.

44. PR-1523-L21806

Tuan Tan Hong Pin [Bakri] minta **MENTERI PENGANGKUTAN** menyatakan bilakah situasi kekurangan stok *road tax* di seluruh negara dapat kembali pulih sepenuhnya dan apakah tindakan yang telah diambil terhadap *supplier*. Adakah Kementerian mempunyai sebarang rancangan jangka panjang untuk mengelakkan krisis serupa berulang pada masa depan.

45. PR-1523-L22382

Tuan Zakri bin Hassan [Kangar] minta **MENTERI PENGANGKUTAN** menyatakan adakah terdapat usaha untuk memperkenalkan semula laluan udara Alor Setar-Kota Bharu.

46. PR-1523-L(5)00198

Tuan Wong Kah Woh [Taiping] minta **MENTERI KESIHATAN** menyatakan cadangan-cadangan Kementerian Kesihatan dalam menyelesaikan masalah kekurangan tempat parkir di Hospital Besar Taiping.

[Pertanyaan di bawah PM 22(5)]

47. PR-1523-L21474

Tuan Pang Hok Liong [Labis] minta **MENTERI DALAM NEGERI** menyatakan kes pencerobohan nelayan Vietnam dan negara lain di perairan negara semakin meningkat terutamanya ketika musim sambutan perayaan di negara ini :

- (a) kelemahan pelaksanaannya oleh Agensi Penguatkuasaan Maritim Malaysia; dan
- (b) langkah-langkah yang akan dan telah diambil untuk mengurangkan pencerobohan oleh nelayan negara asing.

48. PR-1523-L22245

Tan Sri Haji Abdul Hadi bin Awang [Marang] minta **MENTERI DALAM NEGERI** menyatakan sejauh mana siasatan telah dijalankan ke atas pemimpin anggota Kerajaan yang menyentuh isu berkaitan 3R (raja, agama dan kaum), serta status siasatan terhadap Ahli Parlimen Bagan berhubung kenyataan yang mendakwa 'gelombang hijau' bakal memusnahkan tokong dan menafikan hak agama di Pulau Pinang.

49. PR-1523-L21307

Tuan Oscar Ling Chai Yew [Sibü] minta **MENTERI KESIHATAN** menyatakan hasil kajian keberkesanan Skim Perubatan Madani, adakah ia akan mengurangkan kos tanggungan Kerajaan dalam kesihatan, dan kemampuan inisiatif ini.

50. PR-1523-L22160

Datuk Larry Soon @ Larry Sng Wei Shien [Julau] minta **MENTERI PENDIDIKAN** menyatakan secara terperinci apakah usaha Kementerian dalam bekerjasama dengan Kerajaan Negeri Sarawak untuk bersama-sama menyelesaikan masalah kekurangan guru tempatan Sarawak yang berkualiti dan berkemahiran tinggi serta isu penolakan penempatan untuk berkhidmat di Sarawak oleh calon guru daripada Semenanjung.

51. PR-1523-L22676

Datuk Jonathan Yasin [Ranau] minta **MENTERI PERLADANGAN DAN KOMODITI** menyatakan polisi Kementerian untuk tidak lagi memberi dana bagi penanaman baharu untuk koko di Sabah.

52. PR-1523-L21503

Tuan Lee Chean Chung [Petaling Jaya] minta **MENTERI PEMBANGUNAN WANITA, KELUARGA DAN MASYARAKAT** menyatakan :

- (a) langkah-langkah Kerajaan untuk merencanakan industri penjagaan (*care industry*); dan
- (b) perancangan dan kerjasama strategik Kementerian dan sektor swasta untuk program profesional pembangunan penjagaan warga emas dalam jangka masa 2023 hingga 2028 sebagai persediaan menghadapi status Negara Menua pada tahun 2030.

53. PR-1523-L21449

Tuan Kesavan A/L Subramaniam [Sungai Siput] minta **MENTERI PENDIDIKAN** menyatakan status terkini bangunan baharu SJK (T) Ladang Sungai Reyla yang masih belum disiapkan sepenuhnya.

54. PR-1523-L21287

Puan Syerleena binti Abdul Rashid [Bukit Bendera] minta **MENTERI DALAM NEGERI** menyatakan berapa jumlah kes keganasan rumah tangga, rogol, sumbang mahram, pencabulan kehormatan, liwat, mengaibkan kehormatan dan jenayah seksual kanak-kanak yang dilaporkan di Malaysia mengikut pecahan bangsa, umur, jantina dan hubungan mangsa dan pelaku pada tahun 2018 sehingga 2022.

55. PR-1523-L21583

Datuk Seri Panglima Madius Tangau [Tuaran] minta **MENTERI KEWANGAN** menyatakan adakah Kerajaan bercadang untuk menubuhkan Zon Perdagangan Bebas di taman-taman perindustrian Sabah seperti KKIP, POIC dan SOGIP.

56. PR-1523-L21165

Tuan Tan Kok Wai [Cheras] minta **MENTERI KEWANGAN** menyatakan jumlah keseluruhan sumbangan yang telah dibuat oleh Malaysia kepada negara-negara lain untuk setiap tahun dalam tempoh tiga tahun terakhir dan untuk separuh pertama tahun 2023 dengan perincian jumlah untuk setiap negara yang menerima bagi setiap tahun dan tujuan kegunaan dana tersebut.

ATURAN URUSAN MESYUARAT DAN USUL-USUL

1. Menyambung semula pertimbangan ke atas Rang Undang-undang Perbekalan 2024 (D.R.31/2023) dan Usul Anggaran Perbelanjaan Pembangunan 2024 seperti berikut :

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari sembilan puluh dua bilion ringgit (RM92,000,000,000) dibelanjakan daripada Kumpulan Wang Pembangunan bagi tahun 2024, dan bagi tujuan dan butiran Perbelanjaan Pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2024, yang dibentangkan sebagai Kertas Perintah 34 Tahun 2023, adalah diuntukkan di bawah Maksud-maksud yang berkenaan jumlah-jumlah yang bersetentangan dengan butiran-butiran itu di ruangan enam dan tujuh senarai tersebut.”

Dalam Jawatankuasa Sebuah-buah Majlis (22 November 2023)

- | | | | |
|----|------------------|--|-------------------------------|
| 2. | (D.R. 36/2023) | Rang Undang-Undang Kewangan (No.2) 2023. | Bacaan Kali Yang Kedua |
| | | [Menteri Kewangan] | |
| 3. | (D.R. 33/2023) | Rang Undang-Undang Syarikat (Pindaan) 2023 - Menyambung semula perbahasan atas masalah, "Bahawa Rang Undang-undang ini dibacakan kali yang kedua sekarang."
(12 Oktober 2023) | |
| | | [Menteri Perdagangan Dalam Negeri dan Kos Sara Hidup] | |
| 4. | (D.R. 25/2023) | Rang Undang-Undang Kawalan Produk Merokok Demi Kesihatan Awam 2023 – Bacaan Kali Yang Kedua | |

Dan;

Pengerusi Jawatankuasa Pilihan Khas Kesihatan oleh Yang Berhormat Datuk Seri Dr. Dzulkefly bin Ahmad, Ahli Parlimen Kuala Selangor akan mencadangkan :

“**BAHAWA** Penyata yang disediakan oleh Jawatankuasa Pilihan Khas Kesihatan untuk mengkaji Rang Undang-Undang Kawalan Produk Merokok Demi Kesihatan Awam 2023, yang dibentangkan dalam Majlis ini sebagai Kertas DR. 8 Tahun 2023 diperkenankan mengikut Peraturan Mesyuarat 60”.

5. (D.R. 26/2023) Rang Undang-Undang Makanan (Pindaan) 2023. **Bacaan Kali Yang Kedua**

[Menteri Kesihatan]

6. PR-1523-U(27)278
Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk segera menangani isu gangguan bekalan beras putih tempatan (BPT) di pasaran yang kian meruncing susulan tindakan India menghentikan eksport beras putihnya ke pasaran.

Langkah penetapan had pembelian maksimum 100kg BPT untuk setiap individu dan syarikat bermula 7 September 2023 hanyalah penyelesaian yang bersifat sementara dan Kerajaan seharusnya mula merangka satu pelan yang lebih tuntas dalam usaha menjamin keterjaminan bekalan beras di Malaysia bagi jangka masa yang panjang.

Kerajaan perlu segera mewujudkan rangka tindakan yang lebih komprehensif bagi mengurangkan impak inflasi makanan global dari terus menghimpit rakyat negara ini khususnya berkaitan beras yang menjadi makanan ruji kita semua."

[Menteri Pertanian dan Keterjaminan Makanan]

7. PR-1523-U(27)279
Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan mencari penyelesaian untuk mengurangkan kos pengambilan pekerja asing yang kian melambung tinggi. Kebergantungan majikan tempatan terhadap pekerja asing berbanding pekerja tempatan di negara ini bukanlah perkara asing terutama dalam sektor 3D (*dirty, dangerous and difficult*).

Maka, adalah penting untuk mewujudkan satu dasar yang lebih komprehensif bagi mengurangkan kebergantungan terhadap pekerja asing agar pekerja tempatan diberi keutamaan terlebih dahulu dengan reformasi terhadap ekosistem sektor 3D meliputi kadar gaji, faedah dan sebagainya yang berpadanan dengan risiko pekerjaan perlu diimplementasikan secara berseiringan."

[Menteri Dalam Negeri]

8. PR-1523-U(27)280

Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk mewujudkan satu dasar mengutamakan sajian menu buah-buahan tempatan di semua majlis rasmi Kerajaan sebagai galakan dan sokongan kepada pemain industri buah-buahan tempatan serta ke arah membudayakan amalan pemakanan sihat.

Adalah menjadi tanggungjawab Kementerian bagi membantu pengusaha buah-buahan tempatan untuk memasarkan serta mempromosi hasil ladang mereka dan sekali gus meningkatkan pendapatan. Maka melalui sajian menu buah-buahan di kesemua majlis rasmi Kerajaan perlu dibudayakan sepenuhnya sebagai sokongan terhadap industri buah-buahan tempatan.

[Menteri Pertanian dan Keterjaminan Makanan]

9. PR-1523-U(27)281

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan perancangan jangka masa panjang yang menyeluruh dalam memastikan Jumlah Kadar Kesuburan (Total Fertility Rate) bagi rakyat Malaysia terus meningkat.

Negara kita telah beralih ke status negara menua pada tahun 2021. Hal ini kerana peratusan penduduk berusia 65 tahun dan ke atas telah mencapai 7% daripada jumlah populasi. Trend ini menunjukkan peningkatan dalam dua tahun lalu pada kadar 0.2 peratus setahun di mana pada tahun 2022 sebanyak 7.2% dan dijangka pada tahun 2023 mencapai 7.4%.

Dalam tempoh dua dekad lagi, negara dijangka beralih kepada negara tua apabila kohort umur yang sama mencapai 14% daripada jumlah populasi. Peralihan ini tentunya memberikan kesan yang paling ketara iaitu kepada penurunan trend populasi pekerja dan produktiviti. Bagi menghadapi cabaran dan dampak negara menua, kita perlu mencari jalan memperlambatkan proses penuaan ini. Proses penuaan ini tidak boleh dihalang atau diberhentikan tetapi kita perlu mempunyai pelan persediaan bagi menghadapi situasi tersebut.

Jika kita teliti jumlah peratusan struktur umur penduduk yang berumur 0-14 tahun berlaku penurunan pada kadar 0.4% bagi 3 tahun iaitu ; tahun 2020 sebanyak 24%, 2021 sebanyak 23.6%, 2022 sebanyak 23.2%, dan 2023 sebanyak 22.6%.

Umum mengetahui negara-negara jiran dan serantau juga menghadapi perkara penurunan bagi jumlah kadar kesuburan, tetapi kadar tersebut agak perlahan penurunannya. Sehubungan itu, objektif kita agar dapat melandaikan graf penurunan ini bagi negara kita.

Persoalan saya, apakah kemampuan hospital Kerajaan dalam meningkatkan kemampuan kesihatan reproduktif. Berapa jumlah Hospital yang menyediakan perkhidmatan IUI dan IVF. Berapa ramai doktor pakar reproduktif masih berkhidmat di hospital Kerajaan. Adakah harga perkhidmatan yang dikenakan mampu diakses oleh rakyat. Berapa jumlah makmal reproduktif.

Dewan Rakyat juga perlu mencadangkan agar Kerajaan menetapkan polisi yang mampan seperti fleksibel waktu bekerja, yuran pusat penjagaan kanak yang mampu bayar, perbanyakkan pusat asuhan ditempat kerja, dan *paternity leave* kepada ibu bapa yang bekerja untuk meringankan bebanan mereka dalam meningkatkan kadar reproduktif rakyat Malaysia. *Population Complexity* ini yang harus kita uruskan dengan penuh keberanian dan semua pihak kena bersama-sama."

[Menteri Pembangunan Wanita, Keluarga dan Masyarakat]

10. PR-1523-U(27)283

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan sebuah Kertas Putih Imigresen yang membincangkan tentang kadar atau jumlah sebenar kemasukan pelawat asing ke negara Malaysia.

Perkara ini bertujuan untuk mengetahui pergerakan pelawat asing berkenaan sama ada mereka terus tinggal di Malaysia atau dalam satu tempoh tertentu. Menerusi ini kita akan mengetahui jumlah sebenar populasi rakyat di negara ini melalui pengenalpastian perbezaan antara jumlah Warganegara Malaysia, Jumlah Pelawat Asing yang masuk ke negara kita sebagai pekerja ataupun dengan tujuan melancong.

Hal ini, akan memudahkan Kerajaan untuk merangka dan melaksanakan pelbagai pelan inisiatif mahupun bantuan seperti subsidi bersasar dan lain-lain agar setiap pelaksanaan tersebut dinikmati oleh rakyat di negara kita."

[Menteri Dalam Negeri]

11. PR-1523-U(27)286

Datuk Seri Panglima Madius Tangau [Tuaran] akan mencadangkan :

"Bahawa Dewan ini menerima hakikat bahawa lebih 100,000 calon peperiksaan SPM pada tahun 2022 telah gagal dalam mata pelajaran dan sekaligus gagal mendapat Sijil Pelajaran Malaysia (SPM).

Menerima hakikat juga bahawa kegagalan dalam peperiksaan SPM ini mengakibatkan masa depan yang gelap kepada calon pada purata 70 ribu hingga 100 ribu setahun.

Menerima hakikat bahawa pelajar tercicir ini tidak ada lagi ruang untuk melanjutkan pelajaran maka segolongan pelajar tercicir ini akan menjadi kerugian dalam sumber tenaga kerja negara.

Dan menerima hakikat bahawa matlamat mendidik sebuah generasi pelajar untuk membina dan membangun negara kita telah gagal maka Kerajaan hendaklah mengambil tindakan yang serius terhadap masalah ini.

Maka dengan itu Dewan Yang Mulia ini hendaklah membuat ketetapan agar silibus dan buku-buku teks Subjek Sejarah Tingkatan Satu, Dua, Tiga, Empat dan Tingkatan Lima hendaklah dikaji semula dan sebuah Jawatankuasa Pilihan Khas Parlimen hendaklah ditubuhkan untuk mendapat pandangan daripada setiap lapisan masyarakat daripada seluruh pelusuk negara, dan pada masa yang sama Jemaah Kabinet hendaklah menubuhkan sebuah Jawatankuasa Kabinet Kajian Semula Silibus dan Buku Teks Sejarah yang dianggotai oleh Menteri-Menteri yang mewakili Sabah, Sarawak, Persekutuan Tanah Melayu dan parti-parti politik yang menubuhkan Kerajaan Perpaduan."

[Menteri Pendidikan]

12. PR-1523-U(27)287

Datuk Seri Panglima Madius Tangau [Tuaran] akan mencadangkan :

"Bahawa Dewan ini Menerima hakikat bahawa sebuah Suruhanjaya Siasatan DiRaja yang ditubuhkan oleh Kerajaan suatu ketika dahulu telah berjaya membuat siasatan dan seterusnya telah dibentangkan di Dewan Yang Mulia ini.

Dan menerima hakikat bahawa setelah sekian lama laporan tersebut telah gagal dilaksanakan dan mengakibatkan ketidakpuasan hati sebahagian besar daripada rakyat Malaysia.

Menerima hakikat juga bahawa rakyat tertanya-tanya apakah yang telah terjadi dengan laporan Suruhanjaya Siasatan DiRaja tersebut.

Dan menerima hakikat bahawa kecelaruan urus tadbir Pendatang Tanpa Izin; Penduduk Asing di Sabah yang mempunyai Kad Pengenalan yang meragukan; Peningkatan Bilangan penduduk di Sabah Tanpa Kewarganegaraan ataupun *stateless children* dan kehadiran orang asing yang memegang dokumen IMM13 yang tidak ada halatuju.

Maka Dewan Yang Mulia ini hendaklah membuat ketetapan bahawa sebuah Jawatankuasa Pilihan Khas Parlimen untuk meneliti dan mengkaji semula rekomendasi dan perakuan Laporan Suruhanjaya Siasatan DiRaja Mengenai Pendatang Asing Tanpa Izin untuk merumuskan suatu Road Map penyelesaian tuntas terhadap masalah oleh empat kategori penduduk golongan pendatang asing di Sabah."

[Menteri Dalam Negeri]

13. PR-1523-U(27)290

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan meletakkan sebuah garis panduan untuk sekolah-sekolah bagi pengurusan dana, perbelanjaan, dan juga aktiviti kutipan wang daripada pelajar, ibu-bapa, dan orang ramai. Selain itu, sebuah badan pemantau perlu diwujudkan bagi memastikan garis panduan ini dipatuhi. Ini kerana, kini sudah menjadi sebuah kelaziman untuk pihak-pihak sekolah menganjurkan program-program dan majlis-majlis yang memakan belanja besar, yang menggunakan duit daripada poket pelajar. Sebahagian daripada majlis ini mewajibkan kehadiran, dan sebahagian lainnya adalah secara sukarela. Tetapi harus kita faham, kewujudan jurang ekonomi akan membuatkan wujudnya golongan pelajar yang rasa keciciran sosial disebabkan faktor kewangan keluarga. Ia juga membuat mereka berasa tertekan serta memberi tekanan kepada ibu-bapa, lebih-lebih lagi dalam situasi ekonomi kini. Bukan sahaja untuk majlis, malah sering juga pihak sekolah membuat kutipan wajib bagi pembaharuan infrastruktur, dan kutipan ini kadangkala boleh mencecah ratusan ringgit. Isu ini merupakan sebuah isu yang kurang mendapat perhatian tetapi penting untuk dibawa ke hadapan kerana ia melibatkan sosioekonomi keluarga B40 dan M40 serta kesejahteraan perkembangan minda dan emosi para pelajar yang bakal menjadi teraju negara ini di masa hadapan. Selain itu, dibimbangi jika tiada pemantauan dilakukan, perkara ini akan membuka ruang untuk pihak tertentu mengambil kesempatan."

[Menteri Pendidikan]

14. PR-1523-U(27)291

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan mengambil langkah pro-aktif dalam menangani serta menghentikan kes jenayah dera kanak-kanak di negara ini. Menteri Dalam Negeri pada 14 Mac 2023 melaporkan bahawa terdapat 220 kes kanak-kanak mati akibat penderaan antara tahun 2018 hingga 2022. Data Kementerian Pembangunan Wanita, Keluarga dan Masyarakat antara Januari hingga Jun 2022 juga mendedahkan terdapat 1,055 kes penderaan kanak-kanak di negara ini. Kanak-kanak adalah masa depan negara. Lantaran itu, pihak kerajaan wajar menangani lantas menghentikan kitaran dera ini dengan sebuah target 'Dera Sifar' menerusi langkah-langkah pro-aktif seperti mewajibkan kursus penjagaan anak, mewujudkan sistem pemantauan berkala, meneliti semula undang-undang serta garis panduan berkenaan penjagaan kanak-kanak, meningkatkan kesedaran masyarakat, dan lain-lain."

[Menteri Dalam Negeri]

15. PR-1523-U(27)292

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat menggesa Kerajaan mengambil tindakan yang lebih pro-aktif dan efisien bagi meningkatkan kesedaran, tindak balas, dan kerjasama masyarakat dalam menghadapi bencana alam. Kerajaan telah mengumumkan penubuhan Pusat Bencana Geologi Negara pada akhir tahun ini serta pembangunan Sistem Amaran Awal Tanah Runtuh (SAATR). Inisiatif ini akan dapat meningkatkan kecekapan tindak balas bencana agensi-agensi berkaitan. Bagaimana pula dengan tindak balas masyarakat."

Apa yang telah dan sedang Kerajaan usahakan bagi memastikan rakyat bukan sahaja peka tetapi takut dan patuh kepada arahan yang dikeluarkan oleh pihak berkuasa. Kerajaan perlu menguatkuasakan Akta Pertahanan Awam 1951, Akta 221 bawah seksyen 4 (C) di mana tindakan boleh diambil ke atas mereka yang tidak patuh kepada arahan pihak berkuasa contohnya arahan untuk berpindah dalam situasi banjir yang boleh membahayakan penduduk dan pada masa yang sama memberi risiko kepada penyelamat."

[Perdana Menteri]

16. PR-1523-U(27)293

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan menubuhkan badan siasatan bebas bagi mengenal pasti secara terperinci punca utama yang menyebabkan kekurangan bekalan makanan seperti beras tempatan, ayam dan telur ayam di pasaran serta merangka perancangan penyelesaian jangka pendek dan panjang yang komprehensif termasuk penguatkuasaan terhadap golongan kartel orang tengah serta menambahkan daya pengeluaran bekalan makanan. Rakyat baik dari kalangan pengguna mahupun pengusaha restoran kecil masih mengeluh dengan permasalahan ini yang menyebabkan kenaikan harga bekalan makanan. Kerajaan tidak seharusnya melepaskan tanggungjawab menjaga keterjaminan bekalan makanan kepada individu (sebagai *end user*) mahupun menyarankan penyelesaian jalan mudah seperti menambah import makanan tetapi mencari penyelesaian sepanjang rangkaian jaringan bekalan bahan makanan mentah."

[Menteri Pertanian dan Keterjaminan Makanan]

17. PR-1523-U(27)294

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mewujudkan pusat benih padi khusus di kawasan utara khususnya di Arau, Perlis bagi membekalkan benih-benih padi yang bermutu tinggi dan membolehkan penyelidikan yang agresif dibuat bagi menghasilkan benih padi baru di samping menyelesaikan masalah ketidakcukupan benih padi di pasaran. Pusat Benih Padi adalah penting untuk mengumpul benih padi yang lebih berdaya komersial, lebih berdaya tahan iklim (*climate resistant*) dan sesuai dengan cuaca di kawasan utara Semenanjung Malaysia. Pusat ini juga boleh berperanan menjalankan kajian di peringkat serantau dan melibatkan penyelidik daripada negara-negara jiran seperti Thailand, Indonesia dan Myanmar yang mempunyai tanaman baka padi yang berdaya komersial tinggi."

[Menteri Pertanian dan Keterjaminan Makanan]

18. PR-1523-U(27)295

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji semula peruntukan khas yang boleh diberikan kepada pekebun kecil, penternak dan nelayan yang terjejas akibat situasi iklim yang tidak menentu serta kenaikan harga barang. Kerosakan tanaman dan kematian ternakan seringkali mendatangkan kerugian besar hingga kepada jutaan ringgit setiap kali berlaku bencana alam. Dengan situasi semasa ekonomi negara yang tidak stabil juga secara tidak langsung akan memberi tekanan kepada kos sara hidup pekebun kecil, penternak dan nelayan yang kebanyakannya bergantung harap kepada sumber pendapatan tersebut sahaja. Maka pemberian peruntukan khas ini dapat menambah baik kehidupan mereka."

[Menteri Pertanian dan Keterjaminan Makanan]

19. PR-1523-U(27)296

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyegerakan pembinaan dan baik pulih tembok sempadan Malaysia-Thailand supaya merangkumi keseluruhan perbatasan dari Perlis hingga Kelantan dan menyediakan suatu plan tindakan komprehensif merangkumi semua agensi Kerajaan bagi kawalan sempadan Malaysia-Thailand. Sempadan Malaysia-Thailand adalah sepanjang kira-kira 656km namun hanya 111 km sahaja yang berpagar. Sebahagian tembok sempadan antara Malaysia dan Thailand di sepanjang Laluan Keselamatan dan Pembangunan (KESBAN) dilihat sudah usang manakala peralatan kamera litar tertutup (CCTV) dan alat pengimbas perlu ditambah, dibaik pulih dan dinaik taraf dengan teknologi terkini seperti penggunaan dron. Beberapa insiden pada masa lalu seperti kes tembakan ke atas pasukan keselamatan negara dan bermaharajalelanya sindiket perdagangan manusia seperti yang berlaku di insiden Wang Kelian serta penyeludupan barangan termasuk dadah dan senjata menunjukkan betapa kritikalnya keperluan untuk meningkatkan tahap keselamatan di perbatasan. Kerajaan Malaysia sebelum ini telah memberikan komitmen untuk membina tembok sempadan tersebut tetapi sehingga terkini masih tiada plan pembangunan komprehensif dan terperinci yang diumumkan. Mohon pihak kerajaan memandang serius perkara ini dengan menyegerakan pembangunan tembok sempadan Malaysia-Thailand secara menyeluruh dan memastikan suatu plan komprehensif merangkumi semua agensi Kerajaan bagi kawalan sempadan Malaysia-Thailand agar benar-benar berkesan menjamin keselamatan perbatasan negara."

[Perdana Menteri]

20. PR-1523-U(27)297

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya agihan peruntukan pembangunan dan pelaksanaan projek pembangunan di peringkat negeri diberikan mengikut keutamaan dan keperluan Kerajaan Negeri. Berdasarkan pelan RMK-12, enam negeri kurang membangun akan terus diberi keutamaan dengan agihan sekurang-kurangnya 50% daripada keseluruhan peruntukan Perbelanjaan Pembangunan Asas Persekutuan. Namun begitu, terdapat beberapa projek yang diluluskan oleh Kerajaan Persekutuan tidak mengambil kira cadangan dan hasrat Kerajaan Negeri khususnya di Perlis untuk mempelbagaikan fungsi sesuatu projek sedangkan Kerajaan Negeri mempunyai dasar serta hala tuju yang telah mengambil kira pelbagai keperluan dan kehendak semasa serta pada masa hadapan. Misalnya, Projek Lencongan Banjir Barat Timah Tasoh yang telah dilaksanakan pada tahun 2015, di mana dalam pembinaan terowong banjir terdapat skop pembinaan pada item pencahayaan di dalam terowong berjumlah RM300 ribu. Namun, skop berkenaan telah dikeluarkan atas alasan penjimatan. JPS Perlis selaku pelaksana projek telah membangkitkan perkara ini supaya dikekalkan atas faktor keselamatan dan memudahkan kerja pemantauan serta penyelenggaraan di dalam terowong di masa hadapan. Akan tetapi, ianya masih tetap dikeluarkan daripada skop asal projek."

[Menteri Ekonomi]

21. PR-1523-U(27)298

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji dan merancang satu inisiatif khas bagi memastikan setiap rakyat dan keluarga Malaysia terutamanya dari golongan B40 dan M40 mampu memiliki kediaman pertama dengan menyediakan rumah mampu milik berharga RM200,000 dan ke bawah baik di luar dan di dalam bandar. Kerajaan tidak boleh hanya memperkenalkan inisiatif yang hanya sekadar '*rebranding*' daripada Kerajaan sebelum ini kerana perubahan yang besar perlu dilakukan bagi mendepani kenaikan kos pembinaan disebabkan kenaikan harga barang binaan. Dasar Perumahan Negara (2018-2025) sendiri memperakui bahawa isu kemampuan memiliki rumah semakin ketara di kalangan rakyat dan impak kenaikan harga rumah yang mendadak turut dirasai golongan M40 selain B40. Inisiatif khas untuk menyediakan kemudahan rumah pertama pada harga di bawah RM200,000 dan ke bawah ini hendaklah dijadikan salah satu sasaran kajian semula Dasar Perumahan

Negara dan memerlukan input dari pelbagai Agensi dan Kementerian serta pihak bukan Kerajaan dan bukan dari satu Kementerian sahaja. Isu kemampuan memiliki rumah pertama jika tidak ditangani akan mewujudkan generasi rakyat yang sentiasa menyewa tanpa mendapat peluang memiliki perumahan sendiri. Golongan generasi ini juga akan terus menjadi mangsa kepada harga hartanah yang melambung akibat spekulasi hartanah dan tanpa kawalan harga sehingga menjadikan harga di luar kemampuan sebenar golongan M40 dan B40."

[Perdana Menteri]

22. PR-1523-U(27)299

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan melaksanakan segera projek-projek tebatan banjir di seluruh negara untuk memastikan projek ini dilaksanakan secara holistik dan dapat mencari jalan penyelesaian kepada isu banjir yang semakin meruncing akibat kesan perubahan iklim dan pembangunan yang tidak mesra alam. Antara projek yang perlu dilaksanakan segera adalah seperti Projek Pembangunan Sungai Bersepadu (PLSB) Sungai Golok (KESBAN) dan Sungai Kelantan. Dengan pembinaan projek tersebut, risiko banjir besar dapat dikurangkan. Di samping itu, projek tebatan banjir di Selangor khususnya di Shah Alam dan bandar Kuala Lumpur juga diharapkan dapat dilaksanakan dengan komprehensif agar dapat menangani masalah banjir kilat."

[Menteri Sumber Asli, Alam Sekitar dan Perubahan Iklim]

23. PR-1523-U(27)300

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan melaksanakan satu perancangan persediaan dan pengurusan risiko bagi menghadapi bencana alam dapat disemak semula akibat impak perubahan iklim yang sangat drastik sejak kebelakangan ini. Hal ini demikian kerana perancangan rapi penting bagi memastikan tahap kesiapsiagaan anggota terlibat berada di tahap yang tinggi. Di samping itu, Kerajaan juga perlu merencana satu langkah holistik bagi mendidik masyarakat agar bersiap siaga untuk menghadapi bencana alam kerana kesedaran terhadap isu ini di dalam kalangan masyarakat masih berada di tahap yang rendah berdasarkan peristiwa bencana alam yang lepas."

[Perdana Menteri]

24. PR-1523-U(27)301

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya membentuk satu pasukan petugas khas bagi memberi perhatian terhadap isu pencerobohan sempadan yang berlaku di Sabah dan Sarawak. Seperti di ketahui, Sabah dan Sarawak pula berkongsi sempadan darat sejauh 2,019.5km dengan Kalimantan, Indonesia. Daratan Negara Brunei Darussalam dibatasi sepenuhnya oleh Sarawak sepanjang 481.3km. Kebanyakan kawasan perbatasan Malaysia bersama negara-negara jirannya terletak di kawasan perbukitan yang diliputi hutan tebal dan kawasan perairan laut menyebabkan kawalan terhadap kawasan-kawasan ini sulit dilakukan. Oleh sebab itu, masalah pencerobohan, penyeludupan, pemerdagangan manusia dan perdagangan narkotik adalah antara isu yang saban tahun masih berlaku dan sukar ditumpaskan. Dengan siapnya Lebuhraya Sematan – Telok Melano juga baru-baru ini secara tidaklangsungnya meningkatkan risiko pencerobohan sempadan sama ada melalui darat dan laut terutamanya melalui Taman Negara Tanjong Datu. Oleh hal yang demikian, tindakan segera Kerajaan bagi mencari solusi terbaik kepada masalah kawalan sempadan ini adalah amat diharapkan."

[Menteri Dalam Negeri]

25. PR-1523-U(27)302

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya melaksanakan tindakan kawalan yang lebih ketat berkenaan jualan arak. Garis panduan yang khusus perlu dikaji dan diwujudkan oleh Kerajaan bagi mengawal penjualan arak yang meliputi waktu dan tempat jualan arak yang seragam dan boleh diguna pakai di seluruh negara bagi tujuan mengelakkan masalah sosial yang sering timbul seperti masalah rumah tangga dan kemalangan jalan raya. Oleh yang demikian, keseragaman tindakan daripada Kementerian Kewangan dan Pihak Berkuasa Tempatan (PBT) adalah amat diperlukan sekiranya ingin melaksanakan tindakan kawalan yang lebih ketat terhadap jualan arak kerana ketika ini ketidakseragaman tindakan antara dua entiti ini menjadi antara punca kawalan jualan arak tidak dapat dilaksanakan secara efektif dan efisien."

[Menteri Kewangan]

26. PR-1523-U(27)303

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan bersikap adil dalam mengamalkan kebebasan media di Malaysia. Kerajaan tidak seharusnya menjadikan Suruhanjaya Komunikasi Multimedia Malaysia (SKMM) sebagai alat politik untuk menyekat mana-mana isi kandungan media yang tidak '*pro*' Kerajaan atau tidak sependapat dengan Kerajaan. YAB Perdana Menteri yang memerintah Kerajaan pada masa ini telah berikrar dalam manifestonya untuk memastikan hak kebebasan bersuara dan melindungi kebebasan media. Namun, keadaan sebaliknya berlaku selepas beberapa bulan beliau membentuk Kerajaan. Lebih mendukacitakan, kebebasan media yang diwar-warkan Kerajaan hanyalah terhad kepada '*pro*' Kerajaan sahaja, manakala parti pembangkang secara halus dikenakan sekatan kepada akses media. Mana-mana media rasmi Kerajaan mahupun swasta tidak diberi kebenaran untuk menyiarkan berita mengenai parti pembangkang mahupun pihak yang menentang Kerajaan. Oleh demikian, Kerajaan digesa supaya berlaku adil dalam menyalurkan maklumat kepada rakyat. Tindakan ini adalah penting untuk memastikan hak kebebasan media tidak dicabul sewenang-wenangnya oleh pihak-pihak tertentu."

[Menteri Komunikasi dan Digital]

27. PR-1523-U(27)304

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyediakan perancangan, peruntukan dan prasarana kepada pelajar-pelajar universiti, kolej, STPM dan SPM bagi menghadapi kaedah pembelajaran alaf baru seperti pembelajaran dalam talian dan menggunakan media elektronik. Ini bagi membolehkan dan mendedahkan mereka ke alam teknologi siber dan e-pembelajaran yang semakin berkembang yang seterusnya memerlukan guru-guru yang terlatih dalam pendidikan alaf baru."

[Menteri Pendidikan]

28. PR-1523-U(27)305

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan mengkaji semula kawasan keluar dan masuk sempadan Malaysia-Thailand di Wang Kelian, Perlis. Sebelum ini, penduduk kedua-dua negara boleh menikmati kemudahan bergerak sehingga dua kilometer tanpa menggunakan pasport atau pas sempadan pada hari minggu. Kuatkuasa itu pernah dibuat bermula tahun 1993 hingga 2015. Akan tetapi, penarikan semula kemudahan kebebasan bergerak ini telah dibuat pada tahun 2015 kerana penemuan rangka manusia mangsa sindiket pemerdagangan manusia yang dipercayai etnik Rohingya. Susulan itu, Wang Kelian menjadi pekan mati hingga kini. Kerajaan Negeri Perlis cuba membangunkan semula kawasan pelancongan di Wang Kelian, namun ianya tidak semeriah dahulu. Justeru itu, Kerajaan diharapkan dapat mengkaji dan mempertimbangkan semula untuk memberi kemudahan bergerak di antara kedua-dua negara seperti sebelum ini. Dengan kemudahan tersebut, ianya akan dapat menjana semula perkembangan ekonomi khususnya buat penduduk tempatan yang sebelum ini amat rancak sebelum ditutup sepenuhnya pada tahun 2015. Semasa adanya '*Free Flow*' ini, Wang Kelian merupakan satu destinasi pelancongan yang amat meriah dan telah memberi ruang kepada peniaga-peniaga kecil di Perlis dan juga Selatan Thailand menambahkan pendapatan mereka."

[Menteri Dalam Negeri]

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2023</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
DR. 17	Penyata Jawatankuasa Pemilih Dewan Rakyat Kelima Belas	23 November 2023
ST. 181	AKTA CUKAI PENDAPATAN 1967 Kaedah-Kaedah Cukai Pendapatan (Harga Pindahan) 2023 P.U. (A) 165/2023 diwartakan pada 29 Mei 2023	23 November 2023
ST. 182	AKTA CUKAI PENDAPATAN 1967 Kaedah-Kaedah Cukai Pendapatan (Perkiraan Harga Awal) 2023 P.U. (A) 166/2023 diwartakan pada 29 Mei 2023	23 November 2023
ST. 183	AKTA CUKAI PENDAPATAN 1967 Kaedah-Kaedah Cukai Pendapatan (Potongan daripada Saraan) (Pindaan) 2023 P.U. (A) 230/2023 diwartakan pada 31 Julai 2023	23 November 2023
ST. 184	AKTA CUKAI PENDAPATAN 1967 Kaedah-Kaedah Cukai Pendapatan (Potongan bagi Perbelanjaan berhubung dengan Penyenaraian di Pasaran Utama, Pasaran Akses, Pasti, Cekap (ACE) atau Pasaran Platform Pengembangan Usahawan Unggul (LEAP) di Bursa Malaysia Securities Berhad) 2023 P.U. (A) 235/2023 diwartakan pada 7 Ogos 2023	23 November 2023
ST. 185	AKTA DUTI TIMBAL BALAS DAN ANTI-LAMBAKAN 1993 DAN AKTA KASTAM 1967 Perintah Kastam (Duti Anti-Lambakan Sementara) 2023 P.U. (A) 169/2023 diwartakan pada 31 Mei 2023	23 November 2023
ST. 186	AKTA DUTI TIMBAL BALAS DAN ANTI-LAMBAKAN 1993 DAN AKTA KASTAM 1967 Perintah Kastam (Duti Anti-Lambakan) (No. 3) 2020 (Pindaan) 2023 P.U. (A) 190/2023 diwartakan pada 26 Jun 2023	23 November 2023

<u>TAHUN</u> <u>2023</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST. 187	AKTA DUTI TIMBAL BALAS DAN ANTI-LAMBAKAN 1993 DAN AKTA KASTAM 1967 Perintah Kastam (Duti Anti-Lambakan) (No. 2) 2019 (Pindaan) 2023 P.U. (A) 191/2023 diwartakan pada 26 Jun 2023	23 November 2023
ST. 188	AKTA DUTI TIMBAL BALAS DAN ANTI-LAMBAKAN 1993 DAN AKTA KASTAM 1967 Perintah Kastam (Duti Anti-Lambakan) (Kajian Semula Pentadbiran) (No. 3) 2021 (Pindaan) 2023 P.U. (A) 192/2023 diwartakan pada 26 Jun 2023	23 November 2023
ST. 189	AKTA DUTI TIMBAL BALAS DAN ANTI-LAMBAKAN 1993 DAN AKTA KASTAM 1967 Perintah Kastam (Duti Anti-Lambakan) (No. 3) 2020 (Pindaan) (No. 2) 2023 P.U. (A) 214/2023 diwartakan pada 17 Julai 2023	23 November 2023
ST. 190	AKTA DUTI TIMBAL BALAS DAN ANTI-LAMBAKAN 1993 DAN AKTA KASTAM 1967 Perintah Kastam (Duti Anti-Lambakan) (Kajian Semula Pentadbiran) 2023 P.U. (A) 225/2023 diwartakan pada 25 Julai 2023	23 November 2023
ST. 203	AKTA DUTI TIMBAL BALAS DAN ANTI-LAMBAKAN 1993 AKTA KASTAM 1967 Perintah Kastam (Duti Anti-Lambakan) 2023 P.U. (A) 285/2023 diwartakan pada 27 September 2023	23 November 2023
ST. 204	AKTA KASTAM 1967 Perintah Duti Kastam (Barang-Barang di bawah Perjanjian Perdagangan Keutamaan di Kalangan Negara-Negara Anggota D-8) 2023 P.U. (A) 291/2023 diwartakan pada 29 September 2023	23 November 2023

<u>TAHUN</u> <u>2023</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST. 205	AKTA KASTAM 1967 Perintah Duti Kastam (Barang-Barang di bawah Perjanjian Rangka Kerja Sistem Keutamaan Perdagangan di Kalangan Negara-Negara Anggota Pertubuhan Kerjasama Islam) 2023 P.U. (A) 293/2023 diwartakan pada 29 September 2023	23 November 2023
ST. 219	AKTA PETROLEUM (CUKAI PENDAPATAN) 1967 Perintah Petroleum (Cukai Pendapatan) (Pengecualian) 2023 P.U. (A) 337/2023 diwartakan pada 7 November 2023	23 November 2023

****UCAPAN-UCAPAN**
(PERATURAN MESYUARAT 17)
(KAMAR KHAS)

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 23.11.2023 (Khamis)	1. YB Datuk Seri Panglima Madius Tangau (Tuaran)	1. Reka Bentuk Jalan ke Hospital Tuaran bagi Lebuhraya Pan Borneo	1. YB Menteri Kerja Raya
2. 23.11.2023 (Khamis)	2. YB Datuk Seri Panglima Madius Tangau (Tuaran)	2. Projek Tangki Air Terbengkalai di Kampung Mengkabong, Tuaran	2. YB Menteri Kemajuan Desa dan Wilayah
3. 23.11.2023 (Khamis)	3. YB Dato' Hajah Mumtaz binti Md Nawi (Tumpat)	3. Solidariti Malaysia untuk Mahasiswa Palestin	3. YB Menteri Pendidikan Tinggi
4. 23.11.2023 (Khamis)	4. YB Dato' Hajah Mumtaz binti Md Nawi (Tumpat)	4. Malaysia Peduli Palestin – Inisiatif Khas Pelarian Palestin	4. YB Menteri Dalam Negeri

**** Ucapan Di Bawah Usul Berkenaan Perkara Tadbir Kerajaan (Peraturan Mesyuarat 17)**